

目320.7

844

部一〇一八

欽定四庫全書考證

武英殿聚珍版

卷三十八 史部

伊洛淵源錄

名臣碑傳琬琰之集

名賢氏族言行類稿

慶元黨禁

京口耆舊傳

昭忠錄

唐才子傳

浦陽人物記

古今列女傳

嘉靖以來首輔傳

明名臣琬琰錄

明名臣琬琰續錄

百越先賢志

中州人物攷

東林列傳

明儒言行錄

閩學源流

于清端政書

保越錄

兩漢博聞

通鑑總類

南史識小錄

北史識小錄

華陽國志

臣
章宗瀛恭校

伊洛淵源錄 宋朱子撰

卷六

張御史行狀間召父老使之教督子弟刊本督訛篤今
改

名臣碑傳琬琰之集

宋杜大珪編

卷上二

寇忠愍公準旌忠之碑馬伏波郭尚父之功矣刊本脫

郭字據孫抃集增

卷上三

丁文簡公度崇儒之碑願一切如舊刊本願訛頭據廬陵集改

卷上四

程文簡公琳旌勞之碑予有勢臣刊本予訛餘據廬陵集改

卷上六

司馬文正公光忠清粹德之碑既用君實我後子先刊
本實訛寶據東坡集改

卷上十六

張忠定公詠神道碑較著然於人聽者猶未究然刊本
悉訛息據安陽集改

卷上十八

張刺史繪神道碑翩彼飛鴟刊本鴟訛烏據丹陽編改
卷上二十

文正公仲淹神道碑因相與騰口刊本脫口字據虞

陵集改

卷上二十七

趙樞密瞻神道碑列於太常藏之史官刊本缺太常一
字據范禹祖集補

卷中十八

范中文鎮墓誌銘事當論其是非刊本事訛命據蘇文
忠集改

卷中二十三

藤學士甫墓誌銘始見知於英宗而未及用刊本宗訛
祖據蘇文忠集改

卷中三十一

陳少卿希亮墓誌銘勒巫覡為良民刊本覲訛覡 又
陛下欲躋民富壽刊本躋訛跡並據范鎮集改

卷中三十九

賈令君注墓誌銘調主新建簿刊本新訛字今改

卷中四十四

王文正公會行狀治平二年刊本平訛青今改

卷中四十五

孫文懿公并行狀如公之奏刊本奏訛素今改

卷中四十七

蔡文忠公齊行狀中外之情乃定刊本定訛之

文忠集改

卷中四十八

韓忠獻公琦行狀四年間連易三州刊本連訛速據李

清臣集改

卷中四十九

李黃門清臣行狀其出漢將軍廣後者為京武昭王舅

刊本京訛梁據晉書改

卷中五十

韓丞相忠彥行狀陳四事以禪新政刊本陳訛除據畢

仲游西臺集改

卷中五十二

曾太師公亮行狀既得之何可不守刊本守訛中據曾肇集改

卷中五十五

張忠獻公浚行狀二人感激願助因密其事刊本密訛必據朱子大全改

卷下一

王中書全斌傳既居克定之全功刊本居訛否據宋史改

卷下一

張文定公齊賢傳但庶事適於治道則近之矣刊本但訛早據宋史改

卷下十一

顏濟遺老傳士思慕聖德刊本慕訛棠據顏濟集改

名賢氏族言行類稿

宋章定撰

卷一

童條童恢字漢宗除不其令原本宗訛字其訛期據後漢書改

卷二

封條子繪字仲藻爲平陽太守原本平陽訛渤海據北史改

鴻條衛有鴻聊懸原本懸訛魁據左傳改

卷三

支條高宗表異其家原本異訛意據唐書改

卷四

師條鄭有叔詹堵叔師叔三良為政原本師叔二字訛
在為政不據左傳改

卷五

廬條舉明經調新鄉主簿原本鄉訛香據宋史改

屠條使屠擊祝款豎柎有事於桑山原本山訛林據左
傳改

卷六

徐條宣宗拜河中節度使原本中訛東據唐書改

卷七

蘇條歷朗歛二州刺史原本朗訛郎據唐書改

卷九

裴條永徽中為同州司戶原本州訛知 又裴度開成

二年復以本官節度河東原本成訛元並據唐書改

卷十

崔條崔珙父穎官同州刺史生八子皆有才原本才訛

財據唐書改

卷十一

陳條陳暹庭越州山陰人原本陰訛陽據宋史改

卷十六

潘條子惟德盛固惟正惟清惟熙惟吉案宋史本傳惟
吉係美之從子此列入諸子誤

卷二十

高條緯字僧裕原本僧訛生據宋史改

卷二十一

何條爲楚內史厚兩龔原本史訛便龔訛昌據漢書改

又何緩汰侈尤甚與人書疏詞札簡板城陽王尼

見緩書請人曰原本城陽訛河內尼訛儀並據晉書

改 又何桌字文續仙井人也原本井訛監據宋史

改

卷二十四

王條王訢濟南人爲被陽令原本被訛揭據前漢書改

卷二十七

唐條文宣嘗望井州城曰原本脫井字據北史增

卷二十八

程條程振字伯起原本起訛玉據宋史改

卷二十九

曾條安石輕富貴何吝也原本何訛不據史記改

繪條漢功臣侯表祔穀侯繪賀傳位四世原本脫臣侯

二字賀訛駕並據漢功臣侯表增改

卷三十

劉條見父老慰以農里之言原本言訛年據漢書改
又劉滋字公茂通經術原本脫經字據唐書增

卷三十一

周條年十五補國子學生原本脫生字據晉書增 又
周堯卿字子俞原本俞訛餘據宋史改

卷三十二

游條尋知和州又知漢陽軍原本和訛河漢訛濮並據
宋史改

卷三十三

任條任敖高祖初爲御史守豐原本豐訛封據史記改
林條林擣字彥振原本振訛福據史記改

卷三十四

董條昭公二十九年蔡墨曰昔董父甚好龍原本二訛
之董訛薰並據左傳改

卷三十六

許條號曰虎癡原本癡訛侯據魏志改

卷三十八

罕條鄭罕虎從鄭伯勞諸相原本脫伯字據左傳增

卷四十

柳條柳公緯字孝寬原本脫孝字據唐書增

卷四十三

衛條字伉封為宜春侯原本伉訛仇據史記改

卷四十五

晏條景德初張知白安撫江西案西宋史作南與此異

卷四十六

鄧條紉如打五鼓雞鳴天欲曙原本脫鳴字據晉書增

卷四十七

鄭條鄭居中原本中訛正據宋史改

卷四十八

富條號吳富體原本脫富字據唐書增

陸條善辭令敏而有禮原本脫敏字據北史增

卷五十

樂條楚許伯御樂伯原本脫樂字據左傳增

乙條後為西道都督原本都督訛部將據北史改

卷五十三

薛條帝甚褒獎之原本獎訛貶據北史改 又薛大鼎

原本鼎訛節 又為山南道副大使原本南訛西並

據唐書改

卷五十五

歐陽條歐陽建字堅石原本堅訛建據晉書改 又初
范仲淹之貶饒州也原本淹訛氏饒訛祝並據宋史
改

卷五十六

屈突條寧食二斗艾不逢屈突蓋原本斗訛年據唐書
改

卷五十九

東方條自以智能海內無雙原本脫能海內無雙五字
據漢書增

卷五十八

万俟條万俟普原本訛萬俟晉據北史改

慶元黨禁

宋滄州樵叟撰

待制以上薛叔似案薛叔似永嘉人原本闕今據宋史
補

黃黼原本黼訛敬今改

楊芳案兩朝綱目備要作方與此異

餘官黃灝原本脫今據兩朝綱目備要及宋元通鑑補

入

王厚之直顯謨閣案兩朝綱目顯謨作賓謨與異異

武臣范仲玉案宋元通鑑作危仲任與此異

大學士林仲鱗案鱗兩朝綱目備要作麟與此異

邵襄案宋史及兩朝綱目備要俱作邵襄然與此異
余嘉案兩朝綱目備要作余嘉與此異

熹講筵留身在乞施行前疏退則內批徑下朕閱者艾
當此隆冬恐難立講已除卿宮觀可知悉時紹熙五
年甲寅冬閏十月十九日甲戌也案朱熹罷宋史繫
戊寅日與此異

侂胄欲用優人王喜爲閣門祇候案王喜兩朝綱目備
要作王熹與此異

侂胄遂以內批除謝深兩御史中丞原本脫去以除謝
深甫五字據兩朝綱目備要增

有大理寺簿劉德秀者與侂胄深交乃諭中司令薦德
秀時近臣薦者甚衆侂胄下內批令用中司舉者德
秀旣除監察御史其黨以次而進案兩朝綱目備要
時近臣舉異獵者甚多游仲鴻次之侂胄以內批令
兼用中司舉者一人於是德秀與獵並除與此詳畧
互異附訂於此

四月四日戊午詔呂祖儉朋比罔上送韶州安置案竄
呂祖儉宋史及兩朝綱目備要俱繫丁巳日與此異
又案宋史五月戊子呂祖儉改送吉州安置原本不

載

紹熙間有布衣俞吉上書狂悖案俞兩朝綱目備要作
余與此異

德秀又劾國子博士孫元卿太學博士袁燮案袁燮原
本訛作袁奕據兩朝綱目備要改

二年正月二十日庚子趙汝愚歿於衡州案宋史書正
月庚子趙汝愚卒於永州兩朝綱目備要同此云衡
州未詳孰是姑仍原文又庚子原本訛作丙子以上
二十四日甲辰逆推之則舛誤顯然今改

二十七日計聞有旨復原官許歸葬案宋史書二月辛
酉詔追復趙汝愚官許歸葬以中書舍人吳宗旦言

罷之兩朝綱目備要則云中書舍人注義端繳還復
官歸葬之命皆與此互異

二月丁巳大理司真邵襄請明詔大臣自今權臣之黨
僞學之徒不得除在內差遣原本脫直字據宋史增
閏六月六日戊寅朝散大夫劉三傑免喪入見論僞學
之黨案劉三傑兩朝綱目備要作劉珥宋元通鑑與
此同惟入見上言繫甲午日

慶元四年戊午夏四月右諫議大夫姚愈上言近世行
險僥倖之徒倡爲道學之名案四年原本訛五年據
宋史改又案是月請禁僞學宋史作右諫議大夫張

金考姚愈因上此奏侂冑大喜遂遷兵部尚書御史中丞且當時攻僞學者有張釜無張金可証宋史之訛

中書舍人范中藝草駁奏袖錄黃見侂冑案范仲藝宋史韓侂冑傳作張仲藝與本紀互異當是史傳之訛秋九月十一日甲子進士呂祖泰投匭上書案宋史呂祖泰傳祖泰因周必大降少保致仕憤之乃上書請誅侂冑事在嘉泰元年與此異

祖泰字泰然元祐戶部尚書公孺之五世孫也寓居無錫縣案宋史列傳祖泰夷簡五世孫寓常之宜縣與

此異

十月二十四日詔朱喜以次對致仕案朱子復職宋元通鑑繫九月與此異

趙師霁時以列卿守臨安因進侂冑珠冠於是有工部侍郎之命正月十八日也案師霁之除宋元通鑑作八月案上文既載都市行燈事又有明日及翌日之言其爲正月十八日無疑兩朝綱目備要作正月丙戌與此正同

辛酉改元秋八月己卯遂遣曦還蜀爲諸軍都統制開邊之禍始此案吳曦爲興州都統制宋史及兩朝綱

目錄要俱繫七日己巳日與此小異

開禧三年丁卯春正月二十八日甲辰曦僭位於興州
案曦之僭位宋史繫正月甲午日以丁丑朔推之則
十八日也與此異

嘉定元年戊辰春二月詔趙汝愚盡復原官賜謚忠定
朱熹依條與致仕遺表恩澤賜謚曰文案朱子賜謚
宋史係嘉定二年十二月與此小異

京口耆舊傳 著撰人姓氏

卷一

刁術傳出知潁州入爲駕部員外郎案駕部宋史本傳
作比部與此互異

刁湛傳湛徙夔州密轉運使屬施州洞酋爲邊患湛親
出與蠻敵血立誓黔中遂安案此條可補宋史之闕
又徙黃州再請分司西京遂歸老家宋史湛登進士
第刑部郎中與此互異 又卒於錢塘寶皇祐元年
范公仲淹時守錢塘資其喪歸案宋史及宋名臣言行
錄稱仲淹皇祐二年領浙西據此則皇祐元年已

守錢塘

才約傳至和中約論溫成皇后厚葬爲非與吳元鞠眞卿同黜案宋史馮京傳但言吳充不當黜而不及約與此互異

焦干之傳以殿中丞爲樂清令又知無錫縣案蘇頌文集有除國子監直講焦干之爲大理寺丞勅一篇考之此書干之未嘗除大理寺丞與頌集互異

卷二

米徽傳卒年五十七案蔡肇所作墓誌與此同宋史作四十九誤

米友仁傳擢權工部侍郎敷文閣待制案宋史本傳云仕至兵部侍郎元至順鎮江志云官至戶部侍郎與此互異

張扶傳除右正言改國子祭酒案宋史本紀紹興二十五年徙右正言張扶出爲他官與此書可以互考

卷三

邵簡傳知蘇州長洲縣通判處州就移知巴州案元至順鎮江志飾知長洲之後卽云改知巴州不云通判處州與此互異

邵必傳主上元簿擢國子監直講案歐陽修集有蘄州

廣濟縣今充國子監直講邵必除大理寺丞制然則必官直講之前曾知廣濟直講之後又爲大理寺丞與此可以互證

邵充傳以資政殿學士出知越州徙鄭州又徙鄆州亳州案宋名臣琬琰錄充徙鄆州又兼京東西路安撫使又遷禮部侍郎乃徙亳州與此詳略互異

王存傳入樞密院編修經武要畧兼刪定諸房條例案此與程俱麟臺故事合宋史乃東都事畧皆缺載

卷四

蘇構傳紹興十年詔爲太常少卿案汪藻浮溪集蘇公

墓誌云公卒年七十六時紹興十年正月九日此云紹興十年始召爲太常少卿誤

洪興祖傳興祖與秦檜論乾坤二卦至陰疑於陽必戰謂陰終不可勝陽猶臣終不可勝君檜以爲譏已大怒案宋史本傳不載此事此可補其缺

卷六

陳廓傳汰假版吏案假版吏名義不見於宋職官志惟燕翼貽悞謀錄有改假版官一條與此畧同漢書百官志有假吏蓋吏之冗而可汰者也

卷八

譚知柔傳擢政和八年進士第案元至順鎮江志知柔
政和二年進士第與此互異

卷九

李拱傳淳熙十一年再中博學宏詞科後三年卒於臨
安案此較元至順鎮江志加詳

昭忠錄

不著撰人名氏

張順條北舟布滿江面無隙可乘衆乘銳凡斷鉅緇攢
棧數百原本脫隙字又棧訛我並據通鑑綱目增改
文天祥條并斥其姪師夔負國原本夔訛孟據通鑑綱
目改

唐才子傳 元辛文房撰

卷一

駱賓王傳武后時數上疏言事得罪貶臨海丞案舊唐書云賓王落魄無行好與博徒遊高宗末爲長安主簿坐贓左遷臨海丞與此小異

陳子昂傳武后奇其才遂拜麟臺正字原本麟訛靈據舊唐職官志及文苑傳改

王翰傳案翰舊唐書作瀚

張子容傳開元元年常無名榜進士爲樂城令案令唐詩紀事作尉與此互異

王灣傳開元元年常無名榜進士案唐詩紀事灣子先天時登進士第開元初爲滎陽主簿與此互異

孫述傳述博州人案舊唐書以爲洛州涉縣人唐詩紀事以爲河南人惟新唐書以爲博州武水人與此合

又開元二年舉文藻宏麗科案舊唐書述于開元十年始應制登文詞宏麗科非卽開元二年事也

又撰集賢殿修撰改考功員外郎案舊唐書開元二十一年述由太原從事入爲考功員外郎集賢修撰非由修撰改考功也

蔡母潛傳潛荆南人案書錄解題以爲南康人與此異

崔國輔傳開元十四年嚴迪榜進士案書錄解題稱國

輔與蔡母潛儲光羲皆開元十三年進士與此異

又累遷集賢直學士禮部郎中案新唐書藝文志注國輔爲禮部員外郎坐貶與此異

儲光羲傳光羲兗州人案新唐書藝文志注光羲延陵人與此異 又政論十五卷九經分義疏二十卷案

殷璠河嶽英靈集序稱光羲有正論十五卷九經外義疏二十卷與此稍異

王昌齡傳昌齡太原人案新唐書作江寧人與此異

又開元十五年李巖榜進士授汜水尉又中宏詞案

書錄解題以昌齡爲開元十四年進士又新舊唐書
俱云昌齡第進士補校書郎又中宏辭遷汜水尉原
本舛訛又案書錄解題昌齡中宏辭在開元二十二
年 又有詩集五卷詩中密旨一卷古樂府解題一
卷案新唐書藝文志不載詩中密旨樂府題解二書
卷之二

王維傳開元十九年狀元及第案舊唐書維登開元九
年進士第與此異
薛據傳據荆南人案唐詩紀事作河中寶鼎人與此異
又終水部郎中案唐詩紀事稱據終禮部侍郎與

此異

高適傳適字達夫滄州人案唐書稱適係渤海移人與
此異 又所選至德迄唐大歷詩爲中興間氣集案
中興間氣集乃唐渤海高仲武所選仲武自序稱起
至德元年終大歷末年得作者二十六人而舊唐書
適傳稱卒於代宗永泰元年其明年始改元大歷則
是集非適所選明矣考陸游集有中興間氣集跋云
高適字仲武此乃明仲武非適也辛文房因游說而
合仲武與適爲一人舛誤殊甚

王之渙傳渙蘄門人案唐詩紀事作并州人與此異

包融傳融延陵人案舊唐書作湖州人與此異 又仕
歷大理司直案舊唐書融遇張九齡引爲懷州司戶
集賢直學士與此異

孟雲卿傳雲卿關西人案唐詩紀事作河南人與此異
錢起傳集十卷案新舊唐書起詩一卷與此異

戎昱傳崔中丞在湖南欲以女妻之而不喜其姓戎能
改則訂議案唐詩紀事京兆尹李巖擬以女嫁昱令
其改姓昱固辭與此異又昱曾登進士第原本亦失
載

卷三

嚴維傳仕終右補缺案唐詩紀事作仕終校書郎與此
異

耿漳傳案漳書錄解題稱唐登科記作緯

司空曙傳曙字文初案初書錄解題作明與此異

竇叔向傳叔向五子帝牟羣庠鞏案五竇行次新唐書
藝文志注作羣常牟庠鞏與此不同考韓愈作竇牟
墓註云公一兄三弟常羣庠鞏與此合可訂新唐書
之訛

竇常傳常撰韓翃至皎然三十人詩爲南薰集原本薰
訛董據新唐書藝文志改

賈庠傳出爲婺登二州刺史案舊唐書庠歷信婺二州
刺史不言曾判登州

卷四

戴叔倫傳上表請爲道士未幾卒案新唐書叔倫遷容
管經畧使代還卒於道與此異

張又新傳娶楊虔州女案孟棗本事詩張與楊虔州齊
名張求室楊爲求之非娶其女也原文舛誤 又自

著煎茶水記一卷原本脫煎字據新唐書藝文志增
李涉傳渤之仲兄也案書錄解題以渤爲涉之弟與此

異

元稹傳十五擢明經對策第一案舊唐書稹年二十八
應制舉才識兼茂明於體用科登第者十八人稹爲
第一非應明經時事也 又案獄東川還次數水驛
中人仇士良至稹不讓邸案新舊唐書稹以監察御
史案獄東川尋分司東都詔召還次數水驛乃有遇
仇士良事原本脫分司東都一節又中人仇士良案
舊唐書稹所遇者爲中人劉士元此據新唐書與舊
唐書異

賈島傳案此傳兼采衆書如爲浮屠名無本及去浮屠

舉進士云云則本新唐書得句云鳥宿池邊樹及一
日宣宗微行云云則本唐遺史嘗跨蹇驢張蓋云云
則本據言而各書有極相抵牾者新唐書謂島於父
宗時坐飛謗貶長江簿唐遺史則謂島以奪詩卷忤
宣宗除長江主簿據言又謂島遇武宗於定水精舍
以肆慢授長江主簿考王楙野客叢書引蘇絳所選
墓誌云島沒于會昌癸亥歲則宣宗之世島沒久矣
又時新及第案新唐書島累舉不中第此謂島及
第未知何據 又乃授遂州長江主簿案此本新唐
書書錄解題又稱島官長江尉與此異

殷堯藩傳元和九年韋貫之放榜堯藩落第案書錄
題以堯藩爲元和元年進士與此異

張祐傳晚與白樂天日相聚譙謔樂天譏其憶柘枝云
乃款頭詩耳案款頭據言作問頭與此異

卷五

許渾傳渾字仲晦案仲書錄解題作用與此異 又潤
州丹陽人家唐詩紀事作睦州人與此異

雍陶傳閒門客到常如病滿院花開未是貧案范攄雲
溪友議作閉門賓到常推病滿院花開不似貧 又
江聲秋入峽雨色夜侵樓案峽雲溪友議作寺並與

此異

李商隱傳開成二年擢進士又中拔萃案舊唐書商隱中書判拔萃在會昌二年非開成時也 又因投宿逆旅賦木蘭花詩案楓齋集以此時爲陸龜蒙作又西溪叢語云唐末館閣諸公泛舟以木蘭爲題忽一貧士登舟作詩云洞庭春水錄於雲日日征帆送遠人曾向木蘭洲上過不知元是此花身諸公大驚物色之乃義山之魄說甚荒誕原本以爲義山生前所作未知何據

趙嘏傳令狐綯又嘗問玉條脫事對以出南華經案

唐詩紀事云宣宗賦詩欲用金步搖而未能對庭筠以玉條脫對之又云令狐綯曾以舊事訪庭筠庭筠有事出南華之對本係兩事原文牽合爲一殊舛誤趙嘏傳嘏字承祐案唐詩紀事嘏字承祐與此異 又會昌二年鄭言榜進士案書錄解題以嘏爲會昌五年進士與此異

李宣古傳岐陽公主素惜其才原本岐陽訛長林據新唐書杜悰傳改

卷六

曹鄴傳仕至洋州刺史句原本洋州訛揚州據新唐書

藝文志注改

沈光傳有詩集及雲夢子五卷案新唐書藝文志光集
五卷題曰雲夢子莊有兩書也原文舛誤

司空圖傳圖字表聖河中人案舊唐書作臨淄人 又

大中時爲商州刺史案新舊唐書大中時爲安邑兩
池權鹽使不言其刺商州惟舊唐書載王凝知舉後
貶商州刺史圖往從之原文恐因此而誤 又名其

亭曰三休案舊唐書亭本名濯櫻圖改名休休與此
異

卷七

羅隱傳隱錢塘人也案吳越備史作新登縣人與此異
又深怨唐室詩文多以譏刺爲主案隱在梁時累
徵不起且勸錢鏐討溫可謂忠于唐者原本殊未允

協

唐彥謙傳尊崇工部唐人文效南者惟彥謙一人而已案
彥謙所著在晚唐僅當中駟未能窺杜甫門廡也原
文揄揚失實

崔魯傳案魯全唐詩及摭言俱作櫓唯宋史藝文志作
魯與此合 又廣明間舉進士案唐詩紀事魯大中
進士與此異

李河傳送僧遊南海云島嶼分諸國星河共一天案此詩據言以爲送人歸日本之作與此異

韓偓傳天祐二年復召爲學士原本二訛六據新唐書改

張鼎傳鼎著唐詩主客圖案直齋書錄解題唐詩主客圖唐張爲撰此云鼎作未知何據

李中傳爲新淦淦陽吉水三縣令原本淦訛淦據孟賓于碧雲集序改

卷八

盧鴻傳案盧鴻舊唐書作盧鴻一與此異

盧仝傳范陽人案書錄解題作洛陽人與此異

方干傳初李頻學干爲詩類及第詩僧清越賀云弟子已折桂先生猶灌園案唐詩紀事以此二語爲貫休贈干詩與此異

吳筠傳筠華陰人案舊唐書云筠魯中之儒士也與此異

陳陶傳開寶間有樵者入深谷猶見無恙後不知所終案此蓋本龍衮江南野錄然考蔡寬夫詩話云唐末曹松方干之徒皆有哭陶詩則陶之死久矣衮說恐無所據

皎然傳顏真卿嘗於郡齋集文士換韻海鏡源原本鏡
訛敬據新唐書藝文志改

薛濤傳武元衡入相奏授校書郎案陳振孫書錄解題
云世號奏授怨無是理殆一時州鎮褒借爲戲耳足
訂原文之誤

魚玄機傳及笄爲李億侍寵夫人妒不能容有怨李詩
云易求無價寶難得有心郎案唐詩紀事以此二句
爲玄機以事下獄後詩別本又作贈鄰女詩俱與此
異

浦陽人物記

明宋廉振

卷下

錢遜條除利州路提舉刑獄原本脫州字據宋史增
吳萊條立夫琅然誦之至終篇不遺一字原本篇訛第
今改

古今列女傳

明解縉等撰

卷一

班婕妤傳每誦詩及窈窕德象女師之篇原本象訛字
據通志改

卷二

魯敬姜傳師尹維旅牧相原本師上衍使字又脫相字
又其何以避辟原本脫避字並據國語刪增

嘉靖以來首輔傳 明王世貞撰

卷一

費宏傳石瑤最晚入刊本瑤訛瑤據明史改

卷二

黃宗明字誠甫刊本缺誠甫二字據明史補

廖紀字時諛刊本缺時陳二字據明史補

彭澤字濟物蘭州人刊本脫濟物蘭州四字據明史補

卷八

申時行傳是時抗居正者穆思孝鄒元標刊本思訛茂

據明史改

明名臣琬琰錄

明徐宏撰

卷九

解縉戶部尚書郁公神道碑侍講華蓋殿中原本華訛
葉據明史改

卷十四

錢文通定西侯涇國武勇蔣公神道碑公與總督兵部
尚書王驥至雲南原本王訛正據明史改

卷二十一

楊士奇詹事府少詹事曾公墓碑曲烈啓封國爲氏原
本烈訛冽案通志氏族畧夏少康封其子曲烈於郕

今據改

明名臣琬琰續錄

明徐弘撰

卷十

婁諒廉齋先生行狀上召入文華殿從容顧問原本華
訛章據明史改

尹直少保商交毅公墓誌銘視古名相碩輔如勃之厚
重原本厚重訛莫厚據史記改

卷二十二

張詡翰林院檢討白沙陳先生行狀入音中淮石音爲
難調原本調訛讀今改

百越先賢志

明歐大任撰

卷二

蔡倫條後加尙方令原本方訛書據漢書改

中州人物考

谷城孫奇逢撰

卷一

理學科楊尙書東明條與鄒元條馮從吾羽翼聖學原本吾說吉據明史改

卷三

經濟科趙尙書和原本和說狎據明史改

李文達賢係丁丑英宗卽位命兼翰林學士直內閣案直內閣明史作入直文淵閣

卷四

清直科李副使夢陽條外戚寧壽張鶴齡原本鶴說延

振明史改

卷五

方正科王文莊鴻儒條讀書府中給食授衣原本給訛
續今改

李苑馬士允條如信陽何景明原本信訛申據明史改

卷六

武功科張忠武王條醜享成祖廟原本成祖二字訛作
文字據明史改

張忠烈輔條獲簡定於吉利柵之山而歸案吉利柵之

山明史作美良山中

卷八

補逸王政政鈍條藩憲重臣能勝任而久於其職者惟
鈍與雲南布政使張統原本統訛鈍據明史改

戴布政琪條河南澠池人原本澠訛沔據河南省志改

東林列傳

國朝陳鼎撰

卷一

尤袤傳遷樞密院正兼左諭德刊本論德二字互倒據
宋史改

李祥傳司農寺丞刊本寺訛事據宋史改

蔣重珍傳正論日聞則知君子小人姓名刊本脫日聞
二字 又遷著作佐郎刊本脫著字並據宋史增

卷二

高攀龍傳所著大學初義刊本義訛議據明史改

卷三

左光斗傳光斗字共之案共之明史本傳作遺直
袁化中傳袁化中字熙宇案熙字明史本傳作民誥

卷四

周宗建傳摘瓜抱蔓刊本抱訛絕據唐書改

卷五

盧象昇傳而自督兵出手房堡刊本堡訛口據明史改

卷六

孫承宗傳以武器備邊刊本器訛為 又將為敵人設
抑為新兵設乎刊本將為敵人設訛作將敵設乎四
字並據明史改

卷七

賀逢聖傳賀逢聖字對陽案對陽明史本傳作克繇

卷八

倪元璐傳我

朝詔卹明季殉難忠臣二十人刊本二十訛十五據明

史改

卷九

成德傳贈光祿卿刊本光祿訛大理據明史改

申佳胤傳順數曰命刊本數命二字互訛據明史改

卷十

袁繼威傳袁繼成字季通刊本季通訛臨侯案明史本
傳臨侯其號也今據改

卷十一

陳龍正傳龍正上養和好生二疏刊本和訛陽據明史
改

卷十二

黃道周傳降江西按察使照磨刊本照磨訛斷事據明
史職官志及本傳改

林逋傳字子野福清人刊本福清訛侯官據明史改

曾櫻傳字仲舍刊本仲舍訛二雲據明史本傳改

卷十三

王紀傳諡莊毅刊本莊訛忠據明史改

卷十四

孫鑑傳左僉都御史王汝訓刊本汝訓訛用汲據明史
改

江東之傳王宗載前撫江西刊本王訛李據明史改

崔景榮傳擢僉都御史刊本脫僉字據明史增

卷十五

郭正域傳兩淮稅監曾保刊本稅監訛奄稅據明史改

馮琦傳山東臨朐縣人刊本訛作遼東廣寧衛人據明

史改

卷十七

韓曠傳詰戎且先營衛刊本營訛戎據明史改

卷十八

周嘉謨傳湖廣景陵人案明史本傳作漢川人與此異

卷十九

鄒維璉傳時有宋明時者刊本下時字訛儒據明史改

李繼貞傳字徵尹刊本徵訛見據明史改

毛上龍傳字禹門案禹門明史本傳作伯高

卷二十

侯格傳格字木庵案木庵侯朝宗壯悔堂集作若木

史綜作若樸並與此異

卷二十一

歐陽東鳳傳字千仞刊本千仞訛宜諸據明史改

卷二十二

葉茂才傳時御史湯世濟刊本湯訛唐據明史改

卷二十三

姚希孟傳希孟與姚明恭為考官刊本明恭二字互倒

據明史改

呂大器傳避問之楊文驄刊本驄訛聰據明史改

金九陸傳而鄖陽巡撫盧象昇刊本鄖訛助據一統志
及明史改

卷二十四

馮元飈傳字鄴仙案鄴仙明史本傳作爾毅 又與兒

元颺同舉於鄉刊本見訛第據明史改

章正宸傳先生當應熊嗣昌國觀廷儒輩亂亂吠之
時刊本國觀二字互倒據明史改

卷末上

附熹宗本紀封乳母客氏爲奉聖夫人刊本聖訛母據
綱目三編及明史改 又石砮土官秦邦屏刊本砮

訛柱據明史改

二年叅將秦民屏復敗之於乾溝刊本民訛明又溝訛
山並據明史改

卷末下

五年蜀世子至澍刊本澍訛澄據明史改

七年封魏忠賢姪魏良棟爲東安侯刊本侯訛伯據綱
目三編及明史改

明儒言行錄

安化縣知縣沈佳撰

卷五

陸宸條詔下錦衣獄逮繫月餘拳梏跪於廷原本拳訛
拳據周禮改

卷六

丁璣條稱其中行獨復原本脫復字據周易增

卷七

羅欽順條如一線之貫萬珠原本珠訛殊今改

閩學源流

明楊應詔撰

卷一

楊時案語形而後有氣質之性刊本形訛生據正蒙改

卷三

胡安國寬隱論以立威則強刊本立訛力今改

卷四

胡康侯答羅仲素書里克寧喜刊本喜訛戚據春秋改

卷十四

鄭可學程氏教人條如趙喜卿于孫賓石刊本孫賓石

訛杜子賓據漢書改

朱子答林巒書教然後知固刊本脫後字據禮記增

子清端政書

兩江總督于成龍撰

卷五

續增條約蓬生麻中不扶自直刊本直訛植據荀子改

卷六

請寬裁兵疏南昌城守水師刊本師訛司據下文改

保越錄

不著撰人名氏

公與將校議曰敵勢遠來利在速戰原本議訛設 又
衆皆意其覘謀原本謀訛謀 又是日稽山門大軍
議戰復稟公許之原本脫日字今並改增

兩漢博聞 宋楊侃傳

卷一

鳳闕條師古注其闕園上有銅鳳凰卽金雀也原本圖
訛闕據漢書注改

柱下方書條如淳注方版也謂事在上者也原本複衍
事字據張蒼傳注刪

金人條如淳注祭天以金人爲主也刊本脫天字據前
漢書注增

黃石書條見我濟城穀城山下原本脫山字據前漢書
注增

左遷條師古注吾極知其左遷原本吾訛昌據漢書改
醜籍條注後漢第五倫傳三十一原本倫下行敘字又
一訛七並據後漢書刪改

明堂條應劭注三十六戶法三十六旬七十二牖法七
十二候案漢書句注作風候作雨與此異

卷二

詔板條注後漢竇武傳五十九原本脫後漢二字五十
九三字今並增

闕闕條注車千秋傳三十六原本三訛五據後漢書改
百二條譬猶居屋之上建瓴水也案高帝紀居下有高

字

隋直條師古注隋與峭同峭謂陵陘也原本下峭字
峻據前漢書改

卷三

更有三品條如淳注食貨志曰原本缺食貨二字據前
漢書補

鏡辯條注趙王彭祖傳原本趙訛韓據漢書改
越騎條如淳注伏飛騎士原本騎訛射據百官公卿表

改

睢上條注武帝紀元鼎四年原本武訛元據前後書改

先甲條詔曰辛卯夜若景光十有二明原本卯訛亥據
前漢書改

小步馬條烏秬國出小步馬原本秬訛耗據漢書改
宵人條注廣陵厲王傳三十三原本厲訛屬據漢書改

卷四

歇官條注後漢輿服志原本脫輿字據後漢書增

牢讓條師古曰牢堅也原本脫此六字據師丹傳注增

卷五

倒景條注郊祀志五下原本脫此五字據前後書增

子午道條張晏注水以天一爲牡火以地二爲牝原本

牝訛牝據前漢書改

河源條西域傳注鄧展曰尚書曰導河積石是謂河源

出于積石原本脫鄧展曰三字又尚書曰以下誤作

張騫贊正文並據漢書增改

卷六

以日易月注文帝紀後七年原本七訛六據前漢書改

贅婿條應劭注贅婿者言其不當出在妻家原本脫在

字據前漢書增

膠葛條齊摠摠摠摠其相膠葛兮原本脫總總二字據

甘泉賦增

卷七

么膺條勇如信布強如梁籍原本梁訛頃據後漢書改
屬吏條請收屬吏以湍酒大王原本脫屬吏二字據漢
書增

書增
卷八

三老五更條注三老扶玉杖五更不杖原本脫五更不
杖四字 又天子迎于門屏交拜三老東面原本脫
三老東面四字並據後漢書增

駭雞犀條注西域大秦國傳原本域訛城據後漢書改
卷九

幕南條匈奴北徙幕南地空注曰前書音義曰沙土曰
幕卽今磧也原本脫注曰以下十五字據後漢書增

卷十

原羊條鮮卑出原羊原本原羊訛野馬今改

卷十一

封禪條封太山禪梁父注時上御輦升山卽位于壇南
北面原本時訛特據續漢志改

博士十四家條注禮有戴德戴聖原本聖訛勝今改

卷十二

麤糲條注伏湛傳原本伏訛侯據後漢書改

頭山條注云頭山山名也案後漢書頭山作壺頭與此
異

陽月條注馬融傳原本融訛馳據後漢書改

通鑑總類 宋沈樞撰

卷七上

宰相黑季殺免朝參令視事案資治通鑑事在廣順二
年此列在元年誤

卷八上

將帥門魏人服梁韋獻威名原本韋訛章據梁書改

卷十下

薦舉門漢王章爲王鳳所舉條臣所以薦桓譚者原本
薦訛爲據資治通鑑改

卷十一下

內庫門蜀譙周作仇國諭欲乘虛向秦川原本虛訛西
據資治通鑑改

卷十六上

隱忍門東晉謝安爲性命忍須與條咸安元年原本下
安字詵亥據資治通鑑改

福門唐王沐求官被誅條沐家于江南原本江訛家
據資治通鑑改

卷十七上

變詐門秦張儀誣獻地條借宋之符原本借訛併據資
治通鑑改

卷十九下

貢獻門漢文帝不受千里馬條文帝元年原本元訛
據資治通鑑改

背盟門盧坦彈柳晟等條赦令宣布海內原本令訛內
據資治通鑑改

卷二十下

藉士門晉劉輿條越領滕酬接原本接訛案據資治通
鑑改

南史識小錄

錢塘沈名蓀秀水朱昆田同撰

卷一

齊本紀反縛黃麗注梁武帝舊宅在三橋而鳳度之名
鳳翔之驗也原本而下衍有字據南史刪

天地圖注初齊高夢展而登殿原本而訛而據南史改

卷二

后妃列傳與馬相尚注與平章孟靈休原本靈休二字

互倒據南史改

獻中與賦注教六宮書學原本六訛大據南史改

宋宗室諸王列傳評米賁錢注米粒皆令徹白若碎折

者原本碎訛辭據南史改

卷三

宋列傳自稱鄙人注恩與人語常呼位官原本常訛諱
又位官二字互倒據南史改

名子以風月景山水注五子賜膳嶽嶽滄原本嶽訛嶽
據南史改

酒後好聚眾賓冠注邵陵王綸原本邵訛郡據南史改
卷四

三過五抄注幼年嘗讀五經原本經訛行據南史改
老叢來注左右整版原本闕版字據南史補

為二百字三刻便成注以上到沈傳原本沈訛偽據南

史改

動足下牀注公事去矣原本去訛士據南史改

雙魚之十枚注寧可賣餽取錢也原本賣餽二字互倒
據南史改

卷五

珍新注何叔度奉饒若所生原本生訛住據南史改
樊籠之糧注不念杯酌之水原本杯酌二字互倒據南

史改

驚巖吐海原本吐訛北據南史改

嶺山封水注雖有舊科原本有訛府據南史改

卷六

齊宗室諸王列傳正是汝老覓所爲注嶺遠出爲豫章
內史原本內訛刺據南史改

得白服裙帽見人主注唯出太極四廟原本四廟訛西
廟據南史改

咫尺之內便覺萬里爲遙原本爲訛非據南史改

齊列傳非猶卽是狗原本卽訛如據南史改

變服詐爲丈夫注如此伎倆還爲老嫗原本倆還訛還
之據南史改

此味故爲南北所推注崔祖思曰原本祖思二字互倒
據南史改

卷七

梁列傳馭二龍於長途注乃以觀爲征北行參軍原本
脫乃字復衍征字重據南史增刪

販粟養母注雖自執舟楫閒則習業原本楫閒訛楫閒
據南史改

以銅鼓買朱异作父注詞色少驕原本驕訛支據南史
改

卷八

儒林傳錯采經帕原本帕訛伯據南史改

文學傳我詩應須大材迨之原本迨訛追據南史改

隱逸傳散髮被黃布帕原本被訛破帕訛帕並據南史

改

忍倖傳鴨鵝注俗間以細對肉糝以薑桂原本肉糝訛

肉糝據南史改

北史識小錄

錢塘沈名恭秀水朱昆田同輯

卷一

魏本紀引空方而落飛鳥注時國俗無彈原本彈訛彈

據北史改

良口注賈定冀幽相四州飢人原本相訛燕據北史改

卷二

魏宗室諸王列傳累魚成山注同宰之設原本宰訛宰

據北史改

卷三

魏列傳麤飯冷菜注劉仁之外似長者原本似訛永據

北史改

時有瑛在後宮注檢無從得入原本從訛足據北史改
未能以玉爲寶注方尺四寸藏之海島原本寸訛于島
訛爲並據北史改

卷四

我非奴何忽此授注封休之爲燕郡王原本休訛體據
比史改

大收典籍原本典下衍集字據比史刪

卷五

齊列傳口手俱足注庫狄士文嘗入朝原本狄訛使據

北史改

卷六

周列傳八柱國家注周文帝原本周訛隋據北史改
更使儂誦五教耶注平陳之後令無長幼悉使誦五教
原本之後令訛後以表據北史改

陳平渡河歸漢圖注以爲中書侍郎原本中書訛黃問
據北史改

隋宗室諸王列傳但云大不是注其有深可嫌責者原
本深訛笑據北史改

卷七

儒林傳別構戶牖注張吾貴從酈詮受禮原本禮訛杞
據北史改

藝術傳馬上刻漏注世稱其妙原本妙訛巧據北史改

卷八

僭爲附庸傳屈丐注卑下也原本卑訛年據北史改

四夷傳羅文白布帽原本布帽訛帶布據北史改

華陽國志 晉常璩撰

卷一

巴志武王既克殷封其宗姬於巴原本封訛以 又巴

國分遠故於盟會希與原本闕與字並據何允中本

改補

漢末政衰條業業仰前修原本前訛有據何本改

江州縣郡治條故世謂江州墮林粉也原本林訛休據

何本改

臨江縣枳東四百里接胸忍原本四訛西據何本改

胸忍縣條山有大小石城並靈壽木鹽并靈龜原本並

訛勢據何本改

涪陵郡條世號靈義出涪靈縣郡治原本闕出字據何本補

卷二

漢中志屬賓明珠玳瑁原本賓訛寶據漢書改

南鄭縣郡治條大姓李程趙氏原本氏訛公據何本改
劉先主條又遣副軍中郎將劉封乘沔水會達原本脫封字據蜀志增

蜀平條去洛一千七百里原本脫里字據何本增

卷十上

先賢士女總讚論遷京兆尹侍中長水校尉原本長訛
張據後漢書改

欽定四庫全書考證

武英殿聚珍版

卷三十九 史部

十六國春秋

江南野史

三楚新錄

吳越備史

蜀檮杌

南唐史

十國春秋

宋史全文

越史畧

朝鮮史畧

翰軒使者絕代語釋別國方言

御定月令輯要

三輔黃圖

淳熙三山志

臣馬啟泰恭校

十六國春秋 舊題魏崔鴻撰

卷十一

後趙錄石勒得一刀銘曰石氏昌隸書刊本書下衍注

一作隸書四字今刪

卷十三

俗以介子推五月五日燒死世人爲其忌故不舉餉食
去年禁寒食非也刊本非也二字訛在去字上又年
下衍不字並晉書載記改刪

卷十五

北曰冰井臺刊本冰井二字倒互據水經注改

卷十九

繼趙冉識書炳然且德星鎮魏宜改國號曰魏復姓冉
氏刊本上冉字訛李上魏字訛衛又下魏字下衍注
一作衛三字氏字下衍注一作易姓李氏六字案上
文閱石虎之養孫父瞻本姓冉魏郡內黃人故閔建
國爲魏而復姓冉也今並改剛

卷二十三

前燕錄仍縱賊臣屢逼京輦刊本臣訛庭據晉書改

卷二十四

又遣謁者徐孟間丘幸等刊本脫丘字今增

卷四十二

前秦錄韋暹母宋氏其父躬自養之刊本其父二字訛
在養字下據晉書改

卷四十三

後燕錄慕容垂好遊畋嘗因獵墜馬折前兩齒更名爲
缺外以慕容缺爲名內實惡而改之案齒字下太平
御覽引此書有慕容倚卽王位六字蓋垂初名霸其
改名由於倚所謂惡者倚惡之也刊本誤脫

卷四十五

奚口二十餘里刊本口下衍注一作虎口四字案上文

張顯進屯瓮口下文遂戰於瓮口則此注係沿別書之訛今刪

以高陽王隆爲都督幽平二州諸軍事征北大將軍幽州牧建留臺於龍城以隆錄留臺尙書事刊本牧下衍農字案此時官制出自慕容垂遼西王農前在龍城此時已召還爲侍中司隸校尉無自建官之理今據晉紀刪 又魏陳留公拓跋虔使於垂刊本跋下衍元字案魏姓字爲拓跋後乃改爲元無兩姓重書之理魏書署陳留公元虔元是姓非名其稱復姓者則修史者追書之詞觀魏書標目止稱陳留王虔可

見此書直以元虔爲名尅以拓跋字非今刪

卷四十六

慕容寶永康元年十一月庚子朔刊本庚訛甲案下文有戊午己未日則月朔不應有甲子今據魏書改

卷四十七

遺李旱張真襲誅之刊本旱訛汗據晉書改

卷四十九

封武興公馮萬泥爲尙書令案與晉紀及太平御覽俱作邑

卷五十一

又爲苻后起承華殿高承光一倍刊本倍訛部據晉書改

卷五十二

屈遵傳爲慕容永尙書僕射武垣公刊本垣訛桓據魏書改

張蒲傳河內修武人也刊本修訛彥案彥乃河間郡縣非河內地據魏書改

卷五十六

後秦錄姚興弘始四年魏因截水中興內外隔絕士卒喪氣刊本截水中興訛絕其水中據魏書改

秋霜隕籜豈待勁風之威刊本霜訛風據晉書改

卷七十六

蜀錄南夷校尉李毅亦遣叟兵五千助尙刊本叟訛叟案後漢書劉焉傳馬騰與範謀誅李傕焉遣叟兵五千助之注漢世謂蜀爲叟今據改

卷八十五

西秦錄其先有如弗斯引出連叱盧三部案如弗斯引晉載記作如弗斯魏書作如弗又號之曰乞伏可汗託譯莫何案譯晉書作鐸

卷八十九

南涼錄嘉平七年遣平遠乞伏鞬處帥騎五千追儋檀
刊本鞬訛掇據晉書改

卷九十一

西涼錄影絕干邑闕而無烟刊本閱訛聞今改

卷九十四

北涼錄衆星拱極之道刊本極訛端 又又命王建国
署將相刊本脫王字並據晉書及魏書改增

卷九十五

永和七年賜茂虔死茂虔與公主訣刊本脫死茂虔三
字據魏書增

卷一百

北燕錄孫護傳有大與豕交護見而惡之刊本脫之字
據晉書增

江南野史 宋龍衣撰

卷一

先主條父榮結交豪傑以任俠爲事時羣盜蜂起朱梁
統制天下而楊行密專據淮夷榮欲圖興復聞賊夏
韶之衆甚盛往而說韶韶感其言從之遂率衆自海
入淮掠沿岸郡邑行密帥師攻之數敗乃爲所擒因
捕其家蓋誅之案陸遊馬令南唐書並稱榮性謹厚
喜從浮屠遊時號李道者不載求附夏韶爲楊行密
所誅之事與此異 又時先主方數歲且異常兒濠
上一桑門與行密有故乞收養以爲徒弟後行密部

下大將徐溫出師濠上見先主方頽豐頤乃僑歸爲
己子案南唐書先主流寓淮泗楊行密奇其貌養以
爲子後因行密長子不容遂收養於徐媪亦不載桑
門乞養事與此異

卷四

宋齊丘條先主欲致之重位然爲溫所忌遂署爲府中
從事案府中從事南唐書作殿直軍判官

卷五

孫忌條少家貧力能學屬文朱梁主舉進士案朱梁主
舉進士南唐書作忌少爲道士

卷六

沈彬條因獻觀畫山水圖詩云須知手筆安排定不怕
山河整頓難案須知二句南唐書作尺素隱清輝一
毫分險阻與此異

卷七

孫觴條夜坐句云劃多灰漸冷坐久席生痕案南唐書
作劃多灰襍蒼虬跡坐久烟銷寶鴨香 又題金山
寺過櫓妨僧定原本定訛夢據南唐書改

卷十

朱令斌條趨捷善射鷹目原本趨訛拳鷹訛河並據南

唐書改

三楚新錄

宋周羽翀撰

卷三

高氏諱季興條皆攀授賓友負士助焉原本攀授訛將
拔又未嘗不厚加金帛購求焉原本加訛無求訛
宋又致書及數萬卷原本致訛敗今並改

吳越備史 宋錢儼撰

卷一

宋天啓三年高駢爲其下畢師鐸所幽原本師訛施據
通鑑改

蜀檣杙 宋張唐英撰

卷上

王建天漢元年封張飛爲靈應王鄧艾爲彰順王刊本
彰訛彭據說郭改

卷下

孟昶廣政十二年八月昶游浣花溪刊本脫溪字 又
都人士女傾城游玩刊本脫士字今並增

南唐書

宋陸游撰

卷一

烈祖昇元元年追尊考溫爲太祖武皇帝案考五代史作徐太祖二字作忠字與此異

卷二

元宗保大十二年大饑疫命州縣鬻粥食餓者原本鬻訛鬻今改

卷五

查文徽傳盧絳據宣州傳檄至建元原本缺宣州二字據本書盧絳補

卷六

刁彥能傳彥能行酒以爪語烈祖烈祖悟亟起去案五代史作酒至昇以手爪搯之八字與此異

卷十三

劉仁贍傳父金事吳武王有戰功至濠州團練使案濠州團練使五代史作濠滌二州刺史與此異

十國春秋

檢討吳任臣撰

卷一

吳太祖世家侯守者易代潛登城啟關守者竟不鬪而潰刊本鬪訛聞據通鑑改

乾寧四年瑾與裨將侯瓚將五千騎潛度淮水刊本瓚訛瓚據唐書及通鑑改

天復二年天子在鳳翔注爲韓全誨等所劫刊本脫誨字據唐書增 又馮公遠求堅木故其船堪久用刊本遠訛遠據通鑑改

卷二

烈祖世家授渥淮南節度使東南諸道行營都統刊本
南訛道據通鑑改

高祖世家以亳州團練使寇彥卿爲東面行營都指揮
使刊本卿訛諫據通鑑改

天祐六年禽全諷及將士五千入注且云兵事神速刊
本速訛連據鈞磯立設改

十三年以行軍副使徐知訓充淮北行營都招討使刊
本復衍軍字據通鑑刪

武義元年建宗廟社稷設百官刊本官訛宮據路振九
國志改

卷三

睿帝本紀乾貞元年東海王徐溫卒注五國故事云刊
本事訛國今改

太和三年重建靈寶院注其號爲紫陽觀刊本爲訛焉
今改

卷五

陶雅傳世咸服其有應變之略注雅典駮川二十餘年
刊本駮訛黔據九國志改

臺濠傳顧兵踰濠而鬪刊本濠訛濠據九國志改
李遇傳合肥人也刊本缺合肥二字據九國志補 又

溫復遣典客何蕘諭過使自歸案典客五代史作客將

卷七

劉信傳且授信子彥英兵三千刊本彥英二字互倒據九國志改

王茂章傳更其名曰景仁已而領寧國軍節度使刊本脫軍字據五代史增

米志誠傳問瑾所在刊本在訛向據五代史改

卷十一

殷文圭傳草司空李德誠麻注曾草臨川上相麻刊本

川訛淮相訛將並據南唐近事改

卷十三

田頴傳遂敗壇兵于吉陽磯刊本脫磯字據通鑑及唐書增 又志誠之弓十不當瑾槩之一刊本脫十字

據五代史增 又以此外軍畏之案外五代史作吳

卷十五

南唐烈祖本紀時江淮初定州縣吏務賦歛爲戰守案吏下五代史有多武夫三字

昇元七年性簡儉注喚爲金奴刊本脫奴字據清異錄

增

卷十六

元宗本紀保大十四年周將李穀敗我兵千人于上窰
注吾軍却唐兵必追之刊本却訛即據五代史改

卷十七

後主本紀後主常造念家山破刊本家訛江據南史書
改

卷十九

從謙傳雅善書法注用宣城諸葛筆刊本脫諸字據南
唐拾遺記增

卷二十

宋齊丘傳字子嵩注初字超回刊本超訛昭據南唐書
改

卷二十一

李建勳傳出為昭武軍節度使莫作尋常刺史看刊本
尋常訛循州據五代詩話改

卷二十二

張廷翰傳論彥能脫永陵于險刊本脫訛托今改

卷二十五

邊鎬傳及克湘潭市不改肆刊本市訛示據南唐書改
張義方傳常令道士陳友合丹于牛頭山注有巨虺火

吻錦鱗蛇挺其間刊本蛇訛蛇據南唐近事改

卷二十六

陳覺傳用宋齊丘薦命覺爲之佐刊本脫齊字 又御

史王仲瓚主其言刊本瓚訛連 又相倡和如出一

口刊本脫如字並據南唐書增改

馮延巳傳嘗請孫晟曰刊本請訛謂據南唐書改

卷二十七

孫晟傳齊王景達非之刊本達訛遂 又會周將張永

德與李重進不相能刊本脫重字並據南唐書改增

劉仁贍傳仁贍素善射刊本素訛數據南唐書改

卷二十八

韓熙載傳衣冠常製新格注熙載在江南造輕紗帽刊

本輕訛經據清異錄改

徐鉉傳宋師圍金陵後主遣鉉求緩兵刊本緩訛援據

南唐書及宋史改

高越傳保大初文進卒有欲傾其家者越上書訟之刊

本訟訛頌據南唐書改

卷二十九

毛炳傳彭生說賦茶三片毛氏傳經酒半升刊本片訛

斤據南唐書改

卷三十

郭廷謂傳使汝主自守豈能固哉刊本固訛國據南唐書改

盧絳傳問其受刑之地卽固子坡云刊本坡訛城據南唐書改

張洎傳因出帛書示之刊本帛訛常據南唐書改 又

太宗時累遷禮戶二部郎中注亢龍无悔實非臣子所宜言刊本宜訛而 又居亢无悔卽本此亢龍无

悔之言刊本此訛无並據宋史改

卷三十一

洪慶元傳國亡歸宋爲寃句令刊本寃訛寬據宋史改

卷三十二

王感化傳感化以詞札上注碧山深洞恣遊遨刊本恣

訛恐據詩話類編改

彭利用傳實可痛心疾首刊本實訛責據南唐書改

卷三十五

前蜀高祖本紀薦樞密使楊復恭代爲觀軍容使刊本

恭訛光據五代史乃蜀檣杙改 又欲以蜀州來附

敬瑄殺之刊本瑄訛真 又使攻東川以解彭州之

圍刊本州訛城並據通鑑改

卷三十六

武成元年詔重建百神廟於梓潼縣刊本潼訛潼據唐書地理志改

永平二年合數鎮之驍雄鼓六師之威勢刊本驍訛妖今改

五年震蒙氏女竊黃帝玄珠沉江而死刊本珠訛殊據蜀檣杌改

卷三十七

後主本紀命西面招討副使王宗昱殺唐文裔于秦州刊本字訛全據五代史改

咸康元年薄暮觀聖燈賦詩而還注泉漱雲根月刊本漱訛嫩 又渾疑證六通刊本證訛澄 又細雨濕不暗刊本濕訛瀝並據全蜀藝文志改

卷三十八

元膺傳大昌軍使徐瑤常謙素爲元膺所親信刊本使訛師據後卷列傳改

卷三十九

王宗佶傳及皇子宗懿等稍長刊本宗訛元據九國志改

卷四十

周庠傳豐詔之中淚痕猶在刊本痕訛浪今改
張勅刊本勅訛劫據五代史改

卷四十二

劉隱辭傳遂詠白鹽山灑瀨堆詩刺之有樹只知引鳥
雀刊本引訛因據五代詩話改

卷四十三

蒲禹卿傳後東主遊禹卿上表注如論萬乘之居便是
三清之境刊本居訛君今改

卷四十四

鄭藝傳武德軍節度使趙國公徐延瓊碑銘注將亂也

其政必暴刊本暴訛恭今改

總論趙蕤素以節操見而著作鬱然故未可設刊本脫
未字今增

卷四十六

宋光嗣傳光天中轉宣徽南院使刊本光天二字互脫
據五代史改

卷四十七

僧貫休傳重集許氏說文刊本氏訛文今改

卷四十八

後蜀高祖本紀李良請以東川兵先取遂閬刊本脫兵

字據通鑑增

卷四十九

後主本紀廣政二年引錦溪州蠻焚掠辰澧刊本錦溪
訛獎錦據楚世家改

十四年通奏使高延昭故辭知樞密院刊本脫密字據
通鑑增

二十八年已而賜宴于大明殿刊本闕明字據宋史補

卷五十一

趙季良傳唐徙季良果州團練使刊本使訛史今改

卷五十二

李昊傳後主悉召昊四孫授太子司儀郎舍人刊本司
訛鳳又脫人字並據宋史改增

卷五十三

母守素傳出爲雲安權鹽使刊本鹽訛監據宋史改
李匡遠傳年八十二卒注歷昌渝文眉四州刺史刊本
州訛刈據九國志改

韋根傳唐相貽範子也刊本闕貽字據唐書補

侯益傳遷武寧軍節度使刊本脫寧字據宋史增

卷五十五

李稠傳仕高祖後主爲左衛將軍刊本闕左衛將軍四

字據宋史補

卷五十八

南漢高祖本紀大有十二年秋七月庚子朔日有食之
刊本日有二字互倒今改

卷五十九

中宗本紀乾和四年陳道庠伏謀刊本陳訛劉據五代
史改

卷六十

後主本紀大寶十三年江南國主乃遣給事中龔慎儀
持書遺帝注足下非有不得已之事刊本脫不字據

宋史增 又頃者大朝南伐圖復楚疆刊本圖訛因

又彼此烏合民無定心刊本民訛我並據東都事
略改

卷六十四

鍾允章傳允章迎叱彥真刊本真訛蓋據五代史改

卷六十七

楚武穆王世家天成二年道過江陵南平王季興執光
憲而奪其物案南平王季興五代史作荆南高季昌

卷七十

周保權傳居人奔竄山谷刊本山訛出今改

卷七十一

廢王夫人某氏傳大破郎兵于僕射洲刊本洲訛河據
五代史改

卷七十三

何仲舉傳輸稅不及限刊本輸訛輸今改

卷七十四

鄧懿文傳爲恭孝王所殺刊本復衍恭字今刪

卷七十七

吳越武肅王世家廣明元年新築羅城注適足以自榮
刊本榮訛策據文苑英華改 又昌素愚不能決事

刊本素訛數今改

光化三年王建鎮海軍院使非鐫刻樂石其可入乎刊
本樂訛礫據文苑英華改

天祐二年仍列賓僚將校功臣名氏于碑陰刊本校下
衍賜字今刪

卷八十一

忠懿王世家乾祐二年募民能墾荒田者勿取其稅注
此可知穀賤之由刊本賤訛賦今改

卷八十八

開寶九年宋帝宴餞于講武殿刊本脫武字據宋中增

太平興國三年當武庫戢兵洞閱詩書之府刊本戢訛
職據宋史改

卷八十三

惟濟傳第聲言被盜刊本聲訛奪據宋史改

卷八十四

羅隱傳詩文及謔語常涉刺譏注其事遂寢刊本其訛
兵據五代詩話改

卷八十八

毛勝傳至于七孔賦形治目爲最宜授懷奇令史刊本
奇訛寄 又羅幼文刊本羅訛維 又南海詹事屯

江小尉宜授追風使刊本脫使字並據清異錄改增

卷九十一

閩康宗本紀通文四年賜予給嘗獨厚于拱宸控鶴二
都刊本拱訛振據五代史改

卷九十二

景宗本紀名曦刊本曦訛羲據五代史及通鑑改 又
延羲謂康宗使收之刊本康訛景據五國故事改

卷九十三

陳洪進傳留汴京奉朝請刊本脫朝字據宋史增

卷九十四

繼崇傳士卒以使君賞罰不當刊本君訛軍今改

卷九十五

徐寅傳又有賦五卷注磨霜礪雪兮熒煌錯落刊本雪訛雲據賦彙改

翁承贊傳黃滔爲詩榮之注建水閩山無故事刊本山訛水據全唐詩改

卷九十七

詹敦仁傳梁復踵其非刊本其訛已據五代詩話改

卷九十八

薛文傑傳惠宗遣弟延宗救之刊本宗訛政救訛殺據

前卷惠宗本紀改

卷一百五

北漢英武帝本紀天會十三年帝命夾城下水注之臺駘驛刊本驛訛澤據五代史改

卷一百十二

十國地理表南漢辨州注朱全忠以辨泮聲近更名勳州刊本忠訛州據五代史改

宋史全文 宋李燾編

卷一

太祖丙寅乾德四年注南漢天寶九年北漢天會十一年刊本九訛十一訛二並據前後編年改

卷二

殿前散員都虞侯注環州刺史董遵誨刊本遵誨訛勃海據宋史改

上白卽位數出微行條彼彈丸黑子之地刊本九訛四據通鑑改

卷三

太宗太平興國三年九月上御講武殿條得渤海胡且
以下七十四人刊本下訛得今改

卷五

契丹抵瀛州城下條瓊隨入立庭下刊本入立二字互

倒據通鑑改

是月徙敏中知河南府條姬歎之曰彼婦人者刊本彼
訛役據通鑑改

卷十三下

哲宗壬戌詔監察御史長安民條其實皆借此名以報
復私怨刊本借訛惜據宋史改

卷十四

范純仁卒純仁性夷易寬簡刊本脫簡字據通鑑增
甲辰魏漢津言禹以聲爲律刊本律訛津據宋史改

越史略 不著撰人名氏

卷上

衙陽王條鬱林合浦交阯九真日南原本林下衍桂州
二字又阯訛州並據史記漢書刪改

朝鮮史略 不著撰人名氏

卷一

箕子條燕乃攻其西滿潘汗爲界原本燕訛然據史記
改又案滿潘汗漢書地理志作番汗屬遼東郡

東扶餘王金蛙條行至掩漉水原本掩漉訛淹漉據漢
書改

卷二

新羅紀新羅遣使如隋條造浮橋以渡大兵原本渡下
衍麗兵二字今刪

新羅王遣伊餐金春秋及其子文汪案餐唐書作贊文

汪作文正並與此異

卷三

聖德王條後改諱興光原本光訛光據唐書改

景德王條諱憲英原本英訛宗據唐書改

卷六

高麗紀肅宗明孝王諱顯案顯宋史遼史並作顯與此異

卷八

康宗元孝王二十年金哀宗天興二年原本哀訛太據金史改

元宗順孝王七年條王命宋君斐原本斐訛裴據元史改

翰軒使者絕代語釋別國方言

漢揚雄撰
晉郭璞注

卷一

度儂慧也趙魏之間謂之黠或謂之鬼注言鬼𧈧也刊

本𧈧訛𧈧據後卷改

撫刊本訛撫據爾雅改 又舊書雅記注雅爾雅也刊

本爾雅訛小雅據下文改

凡怒而噎噫謂之脅闕注脅闕猶瀾沍也刊本瀾沍訛

闕穀據後卷改

南楚江湘之間謂之欺刊本欺訛欺據說文及廣雅改

東齊海岱之間曰亟注欺革反刊本訛詐欺也據廣雅

音釋改

凡物盛多謂之冠注俗謂之冠冕刊本冕訛也據陸佃
稗雅所引改 又周鄭之間謂之假刊本假訛假據
爾雅改 又于通語也刊本語訛詞據前後文改
抵假會也刊本抵訛抵據廣雅改 又注觸抵刊本抵
下衍也字據後卷抵音觸抵刪

陳楚間謂之摸刊本摸訛摸據永樂大典本改

凡取物而逆謂之篡刊本篡訛篡據爾雅說文及後漢
書注改

卷二

秦有棨娥之臺刊本脫秦有二字據永樂大典本增
顛樂肝揚瞻雙也刊本雙訛雙據廣雅玉篇及廣韻改
嬰刊本訛魏據文說及廣雅改 又凡細而有容謂之
嬰或曰得注言得得也刊本得得訛得得據說文改
寄食爲餽注餽其口于四方刊本其訛予據左傳改
馮嶺苛怒也刊本嶺訛嶺據說文廣雅及玉篇廣韻改
鐫球也刊本琢訛琢據說文改
朝鮮冽水之間曰葉禴刊本禴訛禴據玉篇改

卷三

斟協汁也注或曰瀋汁所未能詳刊本瀋訛瀋據釋名

改

南楚江湘之間謂之莽刊木莽訛芥 又注嫫母反刊
本脫反字今並改增

葭芡雞頭也刊本葭訛葭據廣雅及玉篇改

凡草木刺人北野朝鮮之間謂之芟刊本芟訛策據爾
雅及廣雅改

詐通語也刊本語訛詐據永樂大典本改

謹罪也刊本謹訛謹據廣雅改

相就也刊本相訛相據說文及玉篇廣韻改

撲翕葉聚也注撲屬藜相著貌刊本藜訛葉據永樂大

典本改

卷四

其短者謂之短禴刊本短訛短據漢書注改

自關而西或謂之祇禡注亦呼爲掩汗也刊本汗訛汗
據永樂大典本改

襦西南蜀漢謂之曲領刊本蜀訛屬據後卷改

禴繒謂之禴刊本禴訛禴據玉篇改

袒飾謂之直衿刊本衿訛衿據釋名廣雅及玉篇改

繫裕謂之緼注卽小兒次衣也刊本次訛次據說文及

玉篇改

小袴謂之袴刊本初訛袴據玉篇及急就篇改
其偏者謂之鬢帶刊本偏訛遍據下注改

西南梁益之間或謂之屨刊本屨訛屨據廣雅及玉篇
改 又徐士邳折之間注今下邳也折音邾刊本下
字訛在折字下據永樂大典本改

卷五

馱自關而東謂之馱或謂之鬻注音岑涼州呼鋤刊本
涼訛梁據爾雅注及廣韻改

盃謂之盃或謂之銚銳注謠音刊本音訛語據後卷改
海岱之間謂之儋注所謂家無儋石之儲者也刊本儲

訖餘據晉書改

關西謂之緇刊本緇下衍梗字據易左傳釋文改
飮刊本訛飲案飮古詞字據玉篇改

杞刊本訛杞案永樂大典作杞與廣韻合今據改
齊楚江淮之間謂之快注音悵快亦音車鞅刊本亦音
下衍爲字據永樂大典本刪

槌注縣蠶薄柱也刊本縣訛絲據玉篇及廣韻改

東齊海岱之間謂之樺刊本樺訛樺 又注音詵刊本
詵訛先並據玉篇廣韻及初學記所引改

卷六

聾之甚者秦晉之間謂之矚注外傳聾矚司火刊本脫
司火二字 又其言矚者若秦晉中土謂墮耳者明
也刊本明說明並據永樂大典本增改

凡物細大不純者謂之倮注言倮倮也刊本脫倮字據
永樂大典本增

瘞注瘞埋刊本訛埋也據音注例改

摺捺錯摩臧也刊本藏訛滅據廣雅及玉篇改

佚媪媪也刊本媪訛媪媪訛緩並據廣雅改

卷七

燕趙之郊縣物於臺之上謂之佻注了佻縣物貌刊本

脫貌字據永樂大典本增

卷八

鷓鴣刊本鷓訛鷓據廣雅改

卷九

秦晉之間謂之釭或謂之鎮注音寅刊本脫音寅二字
據永樂大典本增

卷十一

北燕朝鮮洌水之間謂之螻蜎注齊人又呼社公亦言
罔工刊本罔工訛周公據廣雅及爾雅改

卷十二

追末隨也刊本末訛末據廣雅改

卷十三

康空也刊本康訛濂據爾雅改 又注康良空貌刊本

康良訛濂窘據說文改

御定月令輯要

卷一

歲令天道門緒風注欵秋冬之緒風刊本欵訛欵據楚

辭改

十二支注淮南子天文訓注刊本注訛志今改

六甲星注在華蓋之下杠星之旁刊本杠訛杠據漢書

天文志改

溫柔剛寒注劉晝新論刊本晝訛晝據讀書附志書錄

解題及百子類函改

花信風注立春之一候任春案羣芳譜花類無名任春

者以花月令及本草綱目考之此任春係迎春之訛
明刻蠡海集並作任春誤

政典門藏冰出冰注其藏之也周其用之也徧刊本周
訛固用訛出據左傳改

定太陽出沒法注正九出乙入庚方刊本乙訛月令改
民用門農夫寒暑注梓草耙土手足胼胝刊本草訛莫
案漢書貢禹傳草作屮注云古草字今據改

牢九案初學記等書引盧諶祭法及束皙餅賦俱作牢
丸酉陽雜俎食品亦云籠上牢丸湯中牢丸自歐陽
修歸田錄誤爲牢丸而蘇軾遊博羅香積寺詩陸游

食包子詩因之陰時夫韻府并收入上聲傳訛已久
勢難盡改今存其說於此

荔枝注白如肪甘而多汁刊本肪訛昉據南方草木狀
改

山櫨注閩人取熟者去皮核搗和糖蜜作爲糕刊本脫
閩字今補

青蒿注秋後開細淡黃花刊本開訛高據圖經本草改
楮樹注一種皮有斑花文謂之斑殼刊本脫殼字據圖

經本草增

卷二

物候門芸薇菜注秋蘂冬馥刊本馥訛馥據拾遺記改
蟹異名注秋冬之交稻粱已足各腹芒走刊本脫各走
二字據蟹譜增

卷三

每月令政典門諸侯月祭注曰皇考廟刊本脫廟字今
增

雜紀門路神通注成式門下騶路神通能戴石六百斤
齧破石粟數十刊本粟訛粟據酉陽雜俎改

給山水香注道士譚紫霄有異術閩王和月給山水香
焚之刊本霄訛青據清異錄改

卷四

春令民用門酒名春注近世裴劍作傳奇記裴航事亦
有酒名松醪春刊本奇訛青今改

卷五

正月令日次門初一日祠后土注桃花萬騎喧長蒲蘭
葉千旗照平浦刊本蘭訛浦據王勃集改

政典門入學習舞注籥師掌教國子舞羽籥刊本籥
籥訛籥舞據周禮春官改

卷六

二月令日次門十三日禮部選士注玉海開元二十四

年二月十三日移貢舉於禮部以侍郎主之禮部選
士自此始案玉海引此事在是年三月十二日與通
鑑系之三月壬辰者合是書卷七內三月十二日亦
引玉海此段而此處云二月十三日誤又案唐書選
舉志不標月日

物侯門桐花鳳注二月桃花始開是鳥翱翔其間案此
條以薛道衡杜甫李商隱各詩及李德裕畫桐花鳳
扇賦序證之桃花當爲桐花之訛

卷七

三月令節序門病月注病孚柄切刊本柄訛柏據經典

釋文改

物侯門紫鉚樹刊本鉚訛銓案續證類本草紫鉚乃麒
麟竭樹枝間蟲所結如白蠟今人用以造胭脂亦引
酉陽雜俎爲說今據改

卷九

四月令日次門初四日五臺慶雲注唐憲宗元和十五
年四月四月裴度奏五臺山佛光寺慶雲現刊本憲
宗訛穆宗據唐書改

民用門桑椹酒注四民月令刊本民訛時今改

鱗魚注每四月鱗魚出後卽出刊本鱗訛鱗據本艸綱

目改

卷十一

六月令日次門十三日魏徵諫錄注誓事德宗仁義爲
空言徵事太宗仁義爲實效故程大昌請以此接續
觀覽刊本脫誓字據玉海增

卷十三

秋令天道門太白注張衡週天大象賦案此賦今本題
黃冠子李播撰宋館閣書目題張衡撰考張衡著靈
憲未嘗賦週天大象李播卽淳風之父仕隋後爲道
士賦未所以有少微養寂卷舌幽居之語又賦中有

毀廂識曹操事其非出漢張衡可知但宋趙希弁讀
書附志信爲張衡撰姑仍其舊

卷十四

七月令天道門流火注敬括詩前庭一葉下言念忽悲
秋刊本庭訛逢據全唐詩改

卷十六

九月令日次門初九日桑落酒注卽炊米九斗爲饋刊
本饋訛饋據齊民要術改下並改

雜紀門赤爵銜書注史記周本紀有聖瑞注刊本注訛
疏今改

卷十八

十月令日次門初四日進御筆注三省進神宗御筆一百七十五策刊本脫一百二字據玉海增

卷十九

十一月令飾序門坎音注壘坎音也壘之爲言勳陽氣於黃泉之下勳蒸而萌刊本勳蒸訛默蒸據白虎通改

民用門瑰尊注尊菜十一月萌在泥中麤短名瑰尊案瑰齊民要術作環詩疏廣要作塊並與此異然揆其義塊字爲長

卷二十

十二月令政典門制陣法注每歲季冬折衝都尉率五校之屬以教其軍陣刊本校訛教據唐書改

立石九經注字樣四十九卷案金石文字記引會要作字樣四十卷今考張參五經文字三卷唐玄度九經字樣一卷宜作四卷爲是云四十卷及四十九卷者並誤

雜紀門謝良輔憶長安十二時詞刊本脫詞字今增

卷二十二

晝夜令政典門奉璽程注奉璽書使者乘馳傳晝夜行

千里爲程刊本乘訛愛據漢舊儀改

物候門有情樹注頓遜國有樹花如牡丹種有雌雄必

二種並種乃生刊本頓遜二字互倒據梁書及酉陽

雜俎改

卷二十三

雜紀門期蘆碻注與子期南蘆之碻刊本重衍一之字

據越絕書刪

日反三舍注魯陽公與韓構難戰酣日暮援戈而搗之

刊本構訛遊據淮南子改

卷二十四

時刻令天道門九州七舍注至於淵隅是謂高春刊本

隅訛虞檢淮南子亦誤今據初學記改

日行異名注日初出曰明將暮曰薄暮案初學記引纂

要明作旭將暮作將落與埤雅異 又日溫曰煦刊

本溫訛午據埤雅及初學記改

政典門蓮花漏注銅烏引水而下注金蓮浮箭而上登

刊本注下注訛下汪據玉海改

物候門古鏡注洞天清祿集案格致叢書唐宋叢書有

宋趙希鵠洞天清錄此祿字誤

雜紀門朝衙夕坐注蘇軾杞菊賦刊本杞作枸據本集

改

三輔黃圖 不著撰人名氏

卷一

三輔沿革條董翳爲翟王都高奴刊本翳訛醫據史記
改

卷二

長安九市條廓開九市通闕帶闐旗亭五重俯察百隧
刊本廓訛郭五重訛重立並據文選改

長安八街九陌條參塗夷庭街衢相經刊本衢訛街據
文選及賦彙改

漢宮條枌詣天梁奇寶鼓簧等宮刊本複衍天子據漢

書剛

卷三

甘泉宮條武帝披其手得玉鉤而手展刊本據訛及據
列仙傳及西京雜記改

卷四

池沼條天子遣使求身毒國市竹注從東南身毒國可
數千里得蜀賈人市利刊本南訛來 又時粵欲與
漢用船戰逐刊本粵訛越漢訛漠並據漢書改

太液池中起三山注于地下爲機板以測昏明刊本板
訛是測訛則 又蓬萊山亦名防丘亦名雲來刊本

來訛東 又方丈之山一名巒雉刊本雉訛維並據
博物志及拾遺記改

卷五

明堂條漢武帝造明堂注明堂中有一殿刊本一訛四
據漢書郊祀志改

社稷條元始四年始立官稷注器成匏勺貴誠因質刊
本誠訛賤 又甘泉太陰刊本陰訛陽 又在易泰
卦刊本在易訛正月並據後漢書改

觀注漢博士劉熙釋名曰觀觀也刊本熙訛熹據書錄
解題及文獻通考改

淳熙三山志

宋梁克家撰

卷二

榮親里注知温州永嘉縣原本溫訛濕今改

卷八

城隍廟注西漢御史大夫周苛也原本苛訛昔據史記
改

卷十

墾田注存中筆談原本中訛申今改

卷十一

官莊田注於以資助經費原本資訛攻今改

卷二十一

唐循中注福州先有泉山府兵原本兵訛共據唐書改

卷三十五

靈峯院注潮落海門高原本脫海字據陳襄集增

卷三十六

黃蘗寺注閩雲連越邊原本閩訛關據江淹詩改

閒居院鳥窠岩注初鳥窠遊餘杭巢木杪而居原本杭

訛侍又脫木字據高僧傳改增

卷四十

新年注皆嚴潔廳宇原本廳訛斤今改

卷四十二

鴉注方言謂之訓狐原本訓狐訛孤猿據昌黎集改

